

Levi Thode ta entrega su corona



PROME biaha den historia di Carnaval organisa pa SAC, un Reina di Carnaval ta entrega su corona durante reinado.

A bin resulta cu Reina Grandi di Carnaval 57, Levi Thode (17 aña) ta na estado, segun ta ser bisa di 4 luna caba.

SAC a atende cu Levi Thode kende a bay cu e corona di Reina di Aruba su Carnaval 57 y a confirma cu e ta sperando un baby.

Segun Levi Thode e no tabata sa di esaki, sino e lo no a inverti tanto placa n'e eleccion pa por a participa na Reina Grandi di Carnaval.

Tecla Kelly tin 35 aña miembro di SAC y nunca antes algo asina a yega di pasa. Antes e regla no t'asina

tampoco. Par di aña pasa SAC a pone e regla y cada candidata ta na altura di e reglanan prome cu nan participa", segun Tecla Kelly. Por recorda cu tempo Sharon Towers a keda eligi como Reina di Carnaval y a sali na estado durante cu e tabata reina, e tempo ey e prome finalista mester a representa e Sharon Towers. E tempo ey a

trece reglanan estricto relaciona cu esaki.

Automaticamente e Reina ta perde su corona momento cu e sali na estado. Awor SAC tin cu atende cu e prome finalista cu ta Svenja Croes, Reina di TOB pa tuma e corona over y sigui cu e reinado. Levi Thode ta estudiante di EPI.